





AUG

9200-

-9219





S E N S U S
VERBI ÆTERNI,
D. THOMAS
A Q V I N A S,
D O C T O R
A N G E L I C U S.

Recurrente annuâ suæ Festivitatîs die,
In Augusta SS. TRINITATIS Basilica
Ordinis Prædicatorum
Celeberrimi Conventûs Cracoviensis,
Oratorio cultu

A

M. FLORIANO ANTONIO
L A C H O W I C Z,

Philosophiæ Doctore, in Collegio Novodvorsciano
Rhetorices Professore, Contubernij Hiero-
solymitani Seniore,

O B S E R V A T U S.

Annô, quô

Mens De Concepto Verbo Ver neXVI^{ti} orbi

Die 7. Martij.

CRACOVIAE Typis UNIVERSITATIS.



Fluvio dulcius Orbis habet
nam nihil hoc

Haec ipsis Superis
capit placet



Est felix Herinus, magis est Srzeniava beatus
qui gemmas Caelo fundit in Orbe Viros.

Rore venit Caeli, merito sinuatur in astra,
Solutus portus Ei, celsus Olympus adest.



ILLVSTRISSIMO

AC

MAGNIFICO DOMINO
D. JOSEPHO

DE ZMIGROD

STADNICKI,

CASTELLANO LUBACZOVIENSI,

Domino ac Mecænati
Amplissimo.

Aug. 1847



D mentem Celi agere videor, quan-
do **SENSUM THOMAM** cum
profundissimo cultu Tibi prius, ante-
quam Universo explicem Orbi, pro-
pono. **ILLVSTRISSE DOMI-
NE MECÆNAS.** Feliciter enim hunc
SENSUM luci publica referre non
possem, si Tuis carerem manibus, qui-
bus cultum **DEI** promoves, ut ad vota omnium Cælos in-
flectas. Novam Sol Aquinaticus pateretur Eclipsim, si Illi

A

ma-

magnum *Tuae* virtutis splendorem, & *Serenam Magni*
Nominis claritatem negares. *Spe* votisq; elusa suis haberet
in loco *Doctōris Angelici* fama; si eandem *Tuus Gentili-*
tius SRZENIAWA suo non moveret cursu, & totum
per *Orbem* coram *Gentibus* non portaret. *Tacitus* esset
SENSUS THOMAS, nec ita in *Religioso* audi-
retur silentio, ni *Ejus* echo cum vocali *FLV MINIS*
Tui sonitu per alienas fluere terras. *Felicitas* est & ho-
nor *Abyssi THOMÆ*, quod in profundum *Tuae LTMTHÆ*
incidat, ubi altum experitur. *Hostibus* nonnisi in hoc *FLV-*
VIO est naufragium; verum *Sanctis Cælitibus*, ac dulci *Pa-*
triæ fida statio. *Timendus* quidem hic *FLVVIVS*, qui to-
ties *Cruore Barbarorum* rubuit; sed nobis amandus, quod in
tanto rubore semper illum servavit *Candorem*, quod hacte-
nus *Polonus Orbis* exornatur. *De Cælo* per cruentam *Gra-*
diui Arenam fluens; prius omnium pectus, ante tot incurrit
secula; antequam *Sarmaticos* influxit *Campos*. *Dignus* hic
AMNIS ex *purpureis* cordibus habere *marginem*; in quo
celeritas ad largiendum, *impetus* ad defendendum, *cursus* ad
obviandum. *Nescit* loco stare, qui ad *fortunatas Insulas au-*
ream Patriæ Libertatem vehit, ac totus in *Bonum* com-
mune *Ejus* devolvitur. *Felix Ægyptus*, quod *Nilum* habet,
qui *pretiosas* illi effundit *Arenas*; & beata est *Polonia*, cum
SRZENIAWAM tenet, ex quo illi *vita inæstimabi-*
lis, plusquam *aurea Saturni secula*, & *omnis felicitas* proma-
nat. *Divites* *Gangis Pactoliq;* damnamus *opes*; *FLU-*
MEN nobis *STADNICCIORVM* in pretio; *Cujus*
gemmeus fulgor in *Solio Regnorum Soles* illustrat, ac *Eius* ma-
iorem addit *valorem*. *Quocunq;* *Cælestibus* pellitur *Ethesijs*,
ac *longo seculorum* profluit *tractu*; ubiq; *fecunda* pullulant
laurea, & *copiosa gloriæ messis* excrescit. *Notarunt* *Posteri-*
tati secula, quot ex *hujus AMNIS* profluvio, *felices re-*
rum successus venerunt. *Elevantur* hactenus *Campi Sarm-*
tici Colles, & *testantur*, quod hic *FLUVIVS* tempestate
ferrea, quoties intonuit, toties dedit *signum optatæ pacis*. Quo-
ties

ties nectareas porrexit undas; toties ultimam Patria sitim
 levavit. Quoties ultra suos fines exundavit, toties Turcas,
 Tataros submersit, absumpsit. Unum Thetis Achillem, dum
 Stygijs immergit Aquis, invulnerabilem fecit; Lucina Sar-
 matica quotquot Infantes hoc AMNE lavat Illustrissimo, tot
 ferreos in pralia Heroes habet. Nec mirum: fortes crean-
 tur fortibus; imbelles non prodeunt ex feroci Aquila colum-
 ba; nec ex animosis Leonibus timidi generantur cervi. DO-
 MUS hac secunda Heroium Parens, felices semper enutri-
 vit Viros Patria, ad Cujus solatium non semel in Senatu
 Lechico, Hunc militia Camillum, Illum fortitudo Fabium; Hunc
 magnanimitas Alexandrum, Illum Religio Numam univer-
 so commendavit Orbi. Rem ambagibus non involvo; nec
 e mentito colore, ut solum placeam, Illustrissima FAMILIÆ
 Imaginem depingo. Velum cortinamq; vix abijcio, apparent
 Nomina an potius Numina PETRUS & NICOLA-
 VS SZRENIAVII ARCHIEPISCOPI Gnesnenses
 Legati Nati, Regni Poloniae & Magni Ducatus Lithvaniae
 PRIMATES primi q; PRINCIPES, quos exteræ
 cum stupore & invidia Gentes spectârunt. Fixos in admi-
 ratione oculos convertit in se, honore Magnus, virtute Major
 MARTINVS STADNICKI, Palatinus Craco-
 viensis, qui non sibi, sed Patriæ vixit, propter Quam non-
 modò pallium, sed ipsum cor scindere paratus erat. Meruit
 publici Solis Aspectum IACOBVS STADNICKI, Ca-
 stellanus Sanocensis cunctis Heroibus Major, rarusq; talis in
 Arena Martiali Viator, Qui fidelis semper cataphractæ se-
 quax fuit Bellonæ. Hic virtutis heroicæ prodigium fecit; dum
 cum Cruciferis fortissimè pugnando, sine passione alter Codrus
 liberè pro Patria obiit. Inscrispsit calamus Fastis perennibus
 MARCUM STADNICKI, Castellanum Sandecen-
 sem, Qui in facie Procerum Regni, quot nodos sors adversa
 objecit, tot mentis acumine rupit, vimq; solvit malorum. NI-
 COLAVM ET IACOBVM STADNICKI, dum
 humilibus non possum verbis, altò veneror silentiò: sed primum

*Litteræ CASIMIRI in Conventione Opatoviensi data me-
minerunt; Alterum VLADISLAI Regis manus com-
mendavit; cui ad bonum publicum nato, Bona in Districtu
Becensi porrexit. STANISLAUS STADNICKI
Rothmagister, Quem MARCVS ex BARBARA ZBO-
ROWSKA Castellani Crac. Filia reliquit, pridem jacet in um-
bris fatalib9, sed non latet, prodit Eum armorū fulgor, & ob invi-
ctum animi robur Decum sub Rege STEPHANO nomi-
natum demonstrat. In Moschovia contra Tataros sub IA-
NUSSIO Duce in Zbaraž Palatino Bractaviensi, &
in varijs expeditionibus Moschoviticijs & Vngaricijs sub A-
GERO & BERINO igneum ferens pectus, primus sem-
per ad arma, tantum effecit, quantum voluit Patria fatiscens.
Sed ne tandem à Castibus erectam ferirent ruina, fortissi-
mos Alcidas, veros sui Nominis & virtutis ex asse Here-
des, MARTINVM, IOANNEM, SAMVELEM &
ANDREAM Filios secutura Etati dedit. Attollunt Ca-
put Nationes & Illustrissimam STADNICIORVM DO-
MUM ex solis galeis, clipeis compositam, Martiali9q; spiritu
animatam, dum mirantur; quarunt, quid sit? sed immorta-
les loquuntur Fasti, ac toties prostrata adversitas hianti vul-
nere clamat, est malleus & bipennis hostium, murus & an-
temurale Patrie. Non silet publica fama ADAMVM
STADNICKI Palatinum Betzensen, Qui, dum Ora-
tor SIGISMVNDI III. non tam factus quàm natus,
gemmea verba in Moschovia locutus fuit, demonstravit
Jaculis, ex Arbore Consanguinitatis STADNICCIANÆ
facundos nasci Mercurios. Dulcis est MAIORVM
Tuorum recordatio ILLVSTRISIME DOMINE,
Qui plus fecerunt, quàm Oratores scribere & grata Poste-
ritas legere potest. Sed hi felices Tui SRZENIAVÆ
Partus, conceptum ingenij mei excedunt, Ejusq; alta va-
stitas margine unius folij arctari nequit. Si totum STA-
DNICCIORVM Syllabum recensere vellem, Archi-
medis calculo opus esse putarem, totamq; Orbis Sarmatici mo-
lem*

lem deberem movere, quod imbecillitati meae non tantum
facere, sed etiam cogitare arduum est. Non suscito He-
roicos **PROAVORVM, AT AVORVM**q^{ue} spiritus, qui-
escant feliciter, Quos labores & merita fatigarunt. Illos non-
nisi veneror cum profunda submissione Viros, Quos recenti-
us saeculum adoravit. Belli fulmen, Gentisq^{ue} Polonia glo-
riam enarro **ILLVSTRISSIMVM ac MAGNIFICVM**
DOMINVM VICTORINVM STADNICKI, Castella-
num Premysliensem, Parentem Tuum dilectissimum; Qui
contra Hostes Patriae per stratam acutis ensibus viam, per
mille discrimina rerum, giganteo passu non iuit, sed sem-
per volavit. Hector invictò animò, Priamus sanò consiliò,
tantum vixit; quantum ad immortalem sui Nominis fa-
mam satis esset. Illustrissimam magni Generis, quia **TOMI-**
SLAVIANI, magnarum Familiarum Sanguine iunctam.
GENITRICEM Tuam, veriore in Orbe Polonia Cor-
neliam non taceo: Quam si fatali obrutam lapide verba non
differunt, loquuntur silentia; si lumina oratoria occultant,
sed sub mortali cinere virtutum nitor manifestat. Iam qui-
dem vitam exiit, sed eandem in animo cordeq^{ue} Tuo de-
posuit. Auget gloriam, ac ingens aestimationis pondus Illu-
strissimae Familiae addit **PATRVVS TVVS** Subdapifer,
Betzensis, Qui prater suae virtutis ornamentum duos flores
POCILLATOREM Latyczoviensem & **SUBDAPIFE-**
RVM Betzensensem suae vitae & honoris Successorem Campis
Sarmaticis adjunxit. Fratres Tui germani, Viri omni aeo
memorandi, **IOANNES** Palatinus Vetchiniae & **A N-**
TONIVS Pocillator Betzensis; quorum alter arte
& Marte defendebat Patriam; alter ut illustrius Nomen
redderet, amulo Ulyssis passu exoticos adiit soles, qui-
bus plus addidit lucis, quam accepit. Princeps virtutum
PETRVS STADNICKI Castellanus Sandecensis conve-
nit gloriosè in unam sanguinis Lineam, quam solide firmat
ne sublimis ejus moles ruina subiaceat. Non quero ma-
gni Senatoris opus & magnificentiam, quia publico Soli pa-
tet,

tei: quidquid gerit Reipublica gloria, Familiae solatium
& ornamentum est. Vbiuis locorum ac terrarum Specta-
tor talis Mecanatis stupor, dum quocumq; passu gravi pro-
cedit, sequuntur illum vota Clientum, quos non tantum
liberali manu tenet, ne cadant, sed ut facilius per vastos
rerum anhelitus eluctentur ad sublimia, levat, promovet. Hec
singularis Petri potestas ac felicitas est, quod ad nutum Ejus
alijs fortuna favet, alios honor petit. Vnde ab omnibus diligi-
tur, ab omnibus aestimatur, in quo omnia spectamus, quae in ma-
ximis Viris attoniti miramur. Iuvenescit velut alter Phenix
in posteritatis memoria suo Nomine Magnus ORZECHO-
WSKI CASTELLANVS PREMYSLIENSIS ad vitalitius
Tuae germanae Sororis Socius, Quem pietas singularis, magni-
tudo animi, meritorum amplitudo ad immortalitatem deduxit.
Hae Illustrissima Domus Tuae Decora, Tu solus coronas
ILLVSTRISIME DOMINE, dum quidquid ge-
rii, est magnificum, est Orbis admiratio, est Corona dignum.
Illustrissimas MAIORVM Ceras illustriores fecisti, dum
illis Tuas dotes adjecisti, quales caelitus raro mortalibus
conceduntur. Anni ad Te venerunt non virtus & for-
tuna; Qui simul & Infans, & virtuosus, & felix in Or-
bem produisti. Adhuc in cunis fuisti, jam Te delictum Re-
gum, jam Herculem Patria praescivit. Florentem Tui eta-
tem, explicato in mille gratias favore, IOANNES III,
Rex Poloniarum ad se traxit, Teq; ad arcana sui pe-
toris admisit. & per aliquot annos cum dulci mentis sua
oblectamento tenuit. Hic Tibi Superi, hic fortuna favit;
cum Tantum Regem, Quantum adversa non frangebant,
sed firmabant, ad Te inclinasti; cum Terror Gentium Te
ex Gentibus Vnum, Quem Bellonâ magis, quàm Lucinâ
enutritum esse censebat, suo prosecutus affectu. Placuit Re-
gi Tua magnanimitas & constantia, ideo Te constantem
sub CONSTANTINO suo Filio Vexilliferum elegit.
Stupor erat temporis, quando sub Tuum Vexillum parte ab
adversa felices rerum concurrebant successus, ibant tri-
umpho,

umphi serpebant laurea, & quoties cum exercitu contra Ho-
stem procedebas, toties in Capitolium ire videbaris. Inter
Martiales fumos ita eminuisti; ut non Tu de honoribus
quos mereri, non habere voluisti; sed de Te honores certa-
rent. Multos dignitas ob nimium despexit ambitum. sed
Te hac, quam fugiebas, secuta est. Stimulavit Te concor-
dibus votis Palatinatus Betzensis, ut Iudex Deputatus ad
Tribunal Regni fieres, cui renuere non potuisti, boni com-
munis ratione victus. Defuit tunc Aristides Zelosissimus
aquitatis Assertor, Tu in Ejus locum successisti; qui quot
verba, tot Oracula pro sacra Themide fundebas. Adfu-
isti praesidium virtuti, metus sceleri; non Te privata,
sed publica movebant vota. Laudabilis hac circa Patri-
am cura, ad Curulem Te invitavit; in qua quomodo
Senatorem agis, ut fideliter describat, non unam pagi-
nam, sed volumina calamus requirit. In hoc digni-
tatis fastigio, quot Tua sunt facta, tot Tibi lingua in
encomium parantur. Grande scelus esset Te obmutescere,
Quem profunda humilitas sub astra extollit, & quem
fama publica non soli Polonia, non soli Europa, sed toti Mun-
do ad exemplum porrigit. Si verò Te inuata modestia
celare vellet; sed liberalis manus, quâ paupertati Re-
ligionum, cunctisq; egenis beneficia spargis, non numeras,
indigitabit; sed Zelus Divini cultus, fides intemerata,
Civium amor & populorum affectus dicet. Undiq; Te
Tua felicitas circumstat, ubiq; Tui Magni Nominis
aestimatio augetur, & hinc singularis assurgit gloria; cum
talem habes Sociam vitæ, ex Illustrissima MAKOWIEC-
CIORVM Domo SOPHIAM, Qualem alijs vix se-
cula dabunt. Et certè Hanc Tuam Illustrissimam Con-
sortem, Minervam ex Iovis cerebro natam esse censerem;
ni Filiam Capitanei Trebovliensis scirem; in Qua ingenij
acumen, vis industriae, mentis dexteritas supra sexum, su-
pra hominem. Commendet Genus lunonem, species Pul-
cheriam, verecundia Artemisiam, morum elegantia Ve-
nusi-

nusinam; Hac, quæ divisa beatas efficiunt, collecta tenet; Cui dotes Pandora Cælestes deposuit, suis exuta donis. Hac suæ felicitatis varietate Te Tuamq; Illustrissimam Domum recreat, sed magis gemmea Prole deletat, Quam ex Te aureo Patre concepit, & in lucem feliciter effudit. Non recenseo Filiam CATHARINAM, Quam IOANNI REY Capitaneidæ Libuscensi Viro probitate pleno, eruditione conspicuo, dexteritate fortissimo desponsavit Calum. Virtutes Ejus quæ, quanta ve sint, si non brevi Calamô, saltem mente latiori metiri vellem, sed altiores sunt, quàm attingi possunt. FRANCISCVM & IOANNEM Filios præterire non possum, Quos ad magna natos, crescens cum annis virtus demonstrat. Vterq; veram magni Patris Imaginem præfert; cum in Utriusq; gestu Constantia, in fronte generositas, in vultu majestas, in corde pietas, in tenera ætate judicij maturitas relucet. Hac Tui cordis Delicia, Regina animorum Eloquentia, non frustra in erudito fovit sinu, Cujus majestatem Flore luventutis suæ adornant. Felix illa hora ac ingens Alma Matri nostræ solatium accessit; cum feliciter Hi ILLUSTRISSIMI SRZENIAVÆ uniones ad Regia sceptrâ accesserunt, quos spectare inter amaros labores, dulcis est recreatio. Quam gloriosum! dùm concordēs Fratres quotidie contendunt, Unus alteri in campo Tulliano herbam non porrigit, ut quisq; suam palmam habeat. Crescit indies altius ac latius Tuae Consanguinitatis Arbor ILLUSTRISIME DOMINE MECÆNAS, quæ totum Sarmatiæ Campum occupare videtur. Aureos esse hujus Arboris fructus, præter mille alios, ex nonnullis cognosco. Eminent pulchrè IOSEPHVS SIERAKOWSKI, Zytomiriensis & Olszanensis CAPITANEVS, CASTELLANI Betzensis Filius, Cujus excelsas dotes non enumero, quæ Computum excedunt. Fulget decenter IOANNES ROSTWOROWSKI Capitaneus Czirscensis, Vexilliferi
LIVO.

Livonenſis dulce ſolamen; Cuius vitam glorioſa actiones
quotidie illuſtrant. Lucet bono publico convenienter IO-
SEPHVS LIPSKI THEſAURARIUS Betzenſis, non vana
Magni Parentis DAPIFERI BELZENſIS gloria, verior
Hortenſius, Qui in Sarmaticum Campum, quoties ex ore
ſuo roſas fundit; toties ex illis ſpinas aduerſitas, coronam Pa-
tria colligit. Prudentia Conſus, dexteritate Achilles, in to-
tam clareſcit Poloniam; imò toties pridem univerſo inno-
tuit Orbi MICHAEL SOLTŸK, VENATOR Sen-
domiriensis, quoties Gentilitiam Eius Aquilam cum acuto enſe,
quem heroica coronavit virtus, Thronus Moſchoviticus
portavit. Non humanos ſed Angelicas in MICHAELE actus
quis non ſupet? dum gladio diſtictò pro Aris & focis con-
tinuò & conſtanter decertat. Hunc felicem Terra Lechica
Ducẽ MICHAELEM habet; quem Celeſtes Gratia, commu-
nis amor, & magni honores ſequuntur. Magnitudo Tua Il-
luſtriſſimæ Domus nonne ſatis ampla? in qua cum ſupore
Gentium ac Tua gloria LUBOMIRSCII, LE-
SZCZYNI, SAPIECHÆ, KMITÆ,
LUBIENII, OSOLENSCII, OSTROROGII,
BALOVII, ZBOROWSCII, TARNAWSCII,
RUDZCII, TOMISLAVII, RADECCII,
UBYSZOVII, PEPLOWSCII, & alij
plurimi ſpectantur; Qui ſupra calamum elevati laudis fa-
ſtigium ſuperant. His ILLUSTRISSIMÆ DOMVS
Tuæ Caputibus, imò ſoli Tuo Capiti, cùm ſit magnum o-
mnium Compendium, SENSVM THOMAM inſpecto.
Porrigo Solem Scientiarum Illuſtriſſimo honori; fero An-
gelicum Doctorem humaniſſimæ Sapientia; depono Abyſ-
ſum Tuæ magnitudini. Extende igitur immerſas pietati
manus, ſuſcipe THOMAM; Quem ſi remove-
res, SENSVS eſt Divinus, confunderetur. Eſſent fe-
liciores illi; Qui ſua THOMÆ ingenia ſubſtrave-
runt. Admiſit Honorius Claudianum, aſtimavit Ale-
xander Homerum, appretiavit Auguſtus Horatium,

C
Prin-

Princeps eruditorum cum Te querit Mecenatem; fa-
vunt Superi, virtusq; Tua, quod Te inveniet. Quam
pulchrum erit! cum Doctorem Angelicum Tuò Nomine
coronabis: quam beatum! cum Sol Thomisticus splenda-
rem ILLUSTRISSIMÆ TVÆ DOMVS suo lu-
mine circumfundet. Spargetur in Orbem THOMAS,
sed quisquis sparsum avida manu prebendet. Te animò
complectetur; quisquis Eum leget, Tuum Nomen prius
adorabit. Quare serenâ Fronte hunc admittè SENSVM;
Qui Tibi VERBO ÆTERNO semper felices o-
mnigenæ prosperitatis eventus, longos sine nube dies, ipsumq;
Tuis votis Cælum declarabit. Quod ita precatur

ILLUSTRISSIMI NOMINIS &
HONORIS TUI

Devinctissimus Cliens & servus
Author Operis



ORATIO.

Redit Sol Aquina-
ticus, ad ejus effusam lu-
cem, an altum Memnonis
silentium loqui? an demis-
sa Oratoris eloquentia fi-
lere debeat? vestrum da-
te judicium. A. A. Tempus etenim ve-
neranda senij gravitate, mutos etiam Ta-
citos perorare jubet; sed dies Passionis
manu ferrea lingvam compescit. Amor
Philadelphicus, invitat ad vocalem loci
hujus suggestū; sed immane crudelitatis
satellitium arcet, quō DEUS HOMO
ē vita sua eliminatur. Svadet Angelica
Thomistarum doctrina svadæ; ut cum
Oratorio impetu audentius accedat; sed
C rupi-

rupium dissilentium fragor, & confusa rerū Idæa deterret. Gentilitius Dominicanæ Religionis Catulus, Rhetoricis gradationibus suâ face præluce; sed in ambiguo sistunt, ne illis cespitare contingat, ubi Lux Mundi extincta, & Via malè calcata. Illustres hujus Conventûs umbræ lumina Oratorum accendunt, & securû dictationis tractum pollicentur; sed pericula SOL Justitiæ portendit, qui obscuratur, & Dux Exercituû infelicem præfagit successum, qui captivatur. Sacer Prædicatorum Ordo, linguam in festivas disponit voces; sed timenda confusio, cum Verbû Æternum, quò loquuntur omnia, obmutescit. Cygneus Magnorum Patrum Cætus, erudititas subministrat penas; ut imbellis facundia per Abyssum eluctetur in altû; sed eluctandumne? dum gravis præstò casus adest; ubi MATER DEI pressa doloribûs langvescit. Augent fontes Tullianos Lymphæ Aquinaticæ, ut ex illis sumatur dicendi exordium; sed eosdem Mare gratiarum magnâ lacrymarum tempestate inundans, absorbet. Atlas Christiani Orbis Dominicana
Reli-

Religio, humile dicendi genus in summū
attollit; sed fatiscens sub pondere Crucis
Fortitudo in ruinā trahit. Porrigunt Ro-
sariani Cultores purpureas Hortensiorum
rosas; sed an debeant acceptari? ubi REX
Regum acutis coronatur spinis, qui Bea-
tos coronat. Suprema in terris Potestas
solvit tacentem animū, ac prolixam Ora-
tionis amplificationem facit, sed proten-
si funes, qui Columnæ Libertatē alligant,
coarctant. Primū Ecclesiæ Romanæ Ca-
put novos addit Oratoribus cōceptus; sed
eosdē virgæ excutiunt, quibūs Inno-
centia cæditur, cōvellitur. BENEDICTVS
de hoc terrestrium Angelorum Ordine,
benedicit Reginæ animorū Eloquentiæ,
ut in venerationem & laudes THOMÆ
feliciter excurrat; sed insana crudelitas
montem Calvariæ opponit, & maledicta
non concedit cohors, quæ in Æternam
sævit Veritatē. Ipse THOMAS nec sibi
deesse videtur, dum nutu Capitū, ac suæ
doctrinæ Articulis, ornatos verbis vocat
ad se Tullios; sed comitatus latronum,
qui Æternā Sapientiā excelsā spoliat glo-
riā, timore percellit. Adsum & ego im-

bellis Orator, sed anceps dubiusq; hæreo,
imò cum stupore in diversa raptor, & quid
agendum? penitus ignoro. Hinc spes
arridet, illinc fortis ludibria eludunt.
Hinc aditus patet, illinc hiantes Christi
puncturæ viam claudunt. Hinc Festivitas
hilaris vocat; illinc luctuosum in Orbe
spectaculum, & Lætitia cohibet, quam
mæror confundit. Hinc affectus pietatis
cultor vehementer impellit, illinc odium,
quò Amor Incarnatus cōtemnitur, aver-
tit. Ausus nititur ore deserto, elogium
THOMÆ eloqui; sed metus Angelicū
Doctorem silentiō venerari cupit. Ve-
rūm quid dubius in undis Aquinaticis
fluctuabit animus? quid amplius trepi-
dabit in metu lingua? audendū est. Im-
petus furoris, cū Firmamentū Cæli agi-
tat, Parentem rerū Terrā movet, ne sub
rola teneat Abyssum THOMAM. DE-
VS HOMO in Horto Gethsemanico lar-
gum effundit sudorem, ut fluidum sermo-
nem Oratoribus instillet. PRINCEPS
Pacis sangvinolentam induit Purpuram,
ut ruborem tegat, & incultum adornet
stylum. Pungentes spinarum aculei, red-
dunt

dunt ingenij acumen, & Lapis Angularis in basim cedit. Non verentur casum, tolluntur alacrius Oratorij gestus, ut Nomen THOMÆ portent, dum expansis CHRISTI manibûs fulciuntur. Recolenda SALVATORIS Passio recentem cogitationem ac vocem activâ de THOMMA haberi permittit. Facilius membra membris copulantur, & ex illis rotundæ periodi consurgunt, quæ catenâ à collo Domini fluentibûs constringuntur. Crux Divina imbellem svadam animat, mentemq; incitat spiritus; quem cum clamore valido Filius Patri Æterno comendavit. Et jam licet intra jejunaes Quadragesimæ dies, durum est abstinere à lætitia, triumpho, & venustâ dicendi copiâ. Si VERBVM Æternum fileat; ideo: ut Doctor Ejus THOMAS, seu potius, ut Ejus SENSVS, à quo pendet Sapientia Orbis, audiatur. Ergo jam nominatus THOMAS SENSVS VERBI ÆTERNI, quem imbelli argumentô, si non confirmabit, saltem lingua mea titubando dicet. Referet Te humilis Eloquentia SENSVM VERBI Æterni luci publicæ D. THOMA, si er-

rare obvenerit, mentem Tuô illustra Phæ-
bô. Vos attentas concedite aures, faci-
lè unius VERBI SENSUS intelligetur.

Licèt in serena versamur luce homi-
nes, profundis tamen Orbis involuti te-
nebris, spontè cæcutimus; dum aliò
Phætontea mente ferimur, non quò feli-
ciùs DEUS nos & fortuna vocat. A. A.
Summus quidem rerû Opitex, splenden-
tem in firmamento Cæli Phæbum, & ar-
genteam appendit Lunam, ut sine erro-
re mentem Ejus sequamur; sed infelices
hujus Mundi sumus comites, qui splen-
didâ ornatos miseriâ ad mille casus edu-
cit. Novimus in malo malum, adhuc
tamen in vetitum nefas tendimus. Se-
mel ex Arbore Paradisi in vitia delapsi,
hactenus indolemus; tamen petimus ea-
dem, nec ruinam intuemur, vel si adver-
timus, non revocamus gradû perituri.
Quotidie suo motu Cælum, & fulgenti-
bûs astris inclinât nos ad virtutem; sed
mole fallacis Mundi faciliùs inflexi, sce-
lus sequimur. Sapientia Æterna quotquot
in scientia boni & mali desipuimus, docet;
ut artē serpentis, quâ elusi sumus, evite-
mus,

mus; nos eidem studemus, ut eludamur. Author Vitæ non vult mortem hominis; nos sine humanitate homines, & mores nostros, & vitam corrumpimus. Princeps Pacis durum Martis iniqui aspectum odit, nos ad eundem adhuc pueri per scuta serpimus, & pro crepundijs acutos enses, quibûs plorantes lædimur, subridentes exploramus. Lux Mundi tollit tenebras, quæ erant super faciem abyssi; nos infelices more talparû Lucem Æternam despiciendo, per viscera terræ, profundis Averni umbris admovemur. Vnio Hypostatica unionē firmat inter Regna, ne desolentur divisa; nos scindimur in contraria & in prædam Stygij hostis dissolvimur; ut cum gemitu æterno coarctemur. Fons Viventiû notâ Mundi, quam diluvium non potuit delere, abstergit; nos eandem vestigiô Infantes, quô necdum Mundum terimus, renovamus, ac tam labe turpi contaminamur. DVX salutis non viâ lacteâ, sed tramite sanguineo dirigit nos ad stellatam Patriam; omnes tamen velut rupes Marpeſſia iñoti sumus. Agnus Cælestis leni passu excitat in no-

bis mansuetudinē, nos in furorem versi,
ad ferinam rabiem, quā ipsi consumimur,
inflāmur. Sanē: quō pungimur, id am-
bitiosi petimus; amara nobis Mundi dul-
cedo placet, ad motum Cæli non move-
mur, ad DEUM non inclinamur, ad CRE-
ATOREM creaturæ non referimur. Ad
molles Mundi delicias, quibûs premimur,
o quantus appetitus! adhæc, quanta DE-
US præparavit diligentibus se, nulla fitis.
Factū est sub Sole publico, & fieri solet cū
alijs, quod dixi, sed non cū Doctore Ange-
lico THOMA; qui omnes Sensus ad men-
tem VERBI Æterni ita composuit; ut ex
omnibus unus, ex humanis Divinus effi-
ceretur SENSUS. Inter errores Mundi
vitam ducendo, nunquam erravit, sem-
per se totū illuc convertit, non quò fra-
gilitas intendit, sed quò VERBUM Æter-
ni PATRIS vocavit. Nondū in tempore
fuit, jam à nutu & arbitrio DEI pendens,
suspensam in admiratione æternitatem
fecit. Dicat Veritas, quæ nec falli, nec fal-
lere potest; nonne THOMAS naturæ
prodigium erat? quem necdum vidit, &
jam illi theatrū Orbis plausit, Arena Li-
tera-

teraria festivè acclamavit, & Beatum cuncti stupuerunt. Angelum in utero Matris crederem, ni THOMAM SENSVM DEI, quia VERBI dicerem; cujus actiones menti Divinæ conformes erant. Necdū corpus induit, & jam umbrā corporis Matrem terram ornavit & illustravit. Necdum in lacrymarum valle stetit, cum vestigia figere non posset; & jam cum Orbis solatio miracula impressit. Necdū infantili manu tetigit Mundum; & jam ultra effusos Mundi fines, vastitatem ingenij porrexit. Adhuc in Mari Aquinatico latuit; & jam se Vnionem Doctorū, Lycæis, Academicis, Peripatis monstravit. Adhuc cum prima voce extra nemorosam tellurem siluit; & jam Ejus echo in Eremo audita. Est quidem opus stupendum, quòd THOMAS visus, & hæc egerit, antequam nasceretur, sed non mirandum est. In luco sublimi nemorumq; recessu, Bonus Anachoreta advertit; quod solatium ingemiscens Mater utero gestaret, & spem certā, quæ in herba fuit, ore deserto Orbi prædixit: quia ex Virga illustri Arbor excelsa nascetur. Tantæ prædicti-

onis auguria eventus coronat: cū ex
bonis Boni Eremitæ præmissis, & ex vivæ
vocis oraculo, vera sequitur SENSVS
Divini, idest THOMÆ in Mundū illa-
tio. Vix Theodora cum lætitia Divinum,
non tam uteri, quā ingenij Partū expli-
cat, quem prius ex DEO, quā homine
concepit; Lucina stupet, cogitat, quā
manu recipere, quibūs fasciis SENSVM
debeat ligare? Sed quid Deā cuncta bun-
da hæres? VERBVM in carne novisti,
SENSū VERBI extra corpus esse suppo-
nis? Si gravē SENSVM in levi corpore
THOMā ferre non potes? vel nescis? de
Cerebro Jovis exivit Minerva, succur-
ret. Ita est: vi & virtute unita Deæ cu-
ram habent. Hæc ex Avorū Atavorumq;
Curulibus cunas; Illa ex lauris virentibus
parat. Hæc de Comitibus Filio molles
supponit plumas; Illa futuro Prædicato-
rum Doctori flores Eloquentiæ sternit.
Hæc Infantem Aquis Gentilitiis; Illa flu-
entibus ex dulci Hippocrene undis lavat.
Hæc aureis stringit dilectum Pusionem
fasciis; Illa doctis librorum folijs invol-
vit. Vtraq; intra cordis amplexum nutri-
ci

ci porrigit THOMAM; sed pendulus
ab uberibus, vix dejecto in terram ocu-
lo Marianum Ave paginæ impressum
conspicit, rumpit fascias, abijcit crepun-
dia, contemnit verborum lenocinia, to-
tus in terram proruit; ut humilis SEN-
SVS altum Cæli Arcanum capere possit.
Subsiste magne Pusio, quid agis? time,
time Puer, Virga est de radice Jesse, quā
petis: expavesce in ductu aquarum Tua-
rum advenientis procellam Maris, ne
submergaris. Tremulus est THOMAS,
sed tamen audet: attendite nutrices, In-
fans ad Puteum toto reptat nisu, occurri-
te, date crepundia Puero, mendaci risu,
verum mitigate fletum, jucunda rerum
varietate oblectate. Sed non audit sva-
via nutricum blandimenta, cum lucta &
luctu impatiens moræ, Causam lætitiæ ra-
pit, hoc est in Salutatione Angelica emi-
nentem MARIAM, & vagienti voce pæ-
ana canens, suis visceribus inducit. O
quantus ausus! Filius MATREM suam
deglutit? ô prodigium! THOMAS Ma-
re gratiarum. uno haustu absorbet. An-
gelicæ Infanti literæ ludus sunt; super

quibus Seniles Doctorum conceptus su-
dant. Tantillus THOMAS, quòd tanta fe-
cit, debuit. Providus Infans Navem sibi
ex Arbore Vitæ constructam, quæ totū
salvavit Orbē, procuravit, in Aqvis Gen-
tilitijs ne periret. In vastissimo Vniversi
ambitu profundus ut pateret SENSVS;
Turrim Davidicam in se locavit; in ve-
recundia suæ infantia erubescens, inta-
minatam ad se traxit Virginem; ut So-
le, quò amicta est, nuditatem suam in-
vestiret. Inter homines non homo THO-
MAS, sed Angelus; qui Angelicis vivit
ingeniis: imò & supra Angelorum natu-
ram evolavit; qui, dum Librum Gene-
rationis, in quo VERBUM Æternū erat,
non gustavit modò, verum & devoravit,
nihil ispirat præter VERBI SENSVM. Pro-
digia hæc dixi, majus enarro: circa THO-
MAM laborant Numina, cui PATER
Cælestis dat ingeniū, Divinissimū PNE-
VMA infundit lucē, MATER VIRGO
suū VERBUM concedit; ut totus in SEN-
SVM VERBI mutetur. Humilē SENSVM
in uno lustrō THOMAM ne quis cogi-
tet; Arbore Consanguinitatis in excel-
los

fos Cassini Montis colles sublimatur. Nec
immeritò: Puer corpore THOMAS,
sed animò Gigas, locum Cælis vicinum
occupare debet, qui nihil non sublime
docebit, nihil non Cæleste. Mentem
VERBI SENSUS THOMAS sequitur:
VERBUM in Monte Calvariæ cla-
mans audivit, ad Montem venit. Ve-
nit sub aliorum disciplinam, Qui à cun-
ctis innocens habetur. Comparet ad
præcepta Alumnus, sed Magister esse
videtur, qui libros edit. Hæc profun-
da humilitas, quam totus admiratur Or-
bis, THOMAM SENSVM elevatio-
rem reddit. Stat in Monte mente ad
DEVM elevatior, qui alto in Cælo quasi
caput tenens, arcana Cæli contempla-
tur. In terra benedicta, licet semper Præ-
sentiam DEI habet, tamen quærit: quid
est DEVS? Quinquennis Puer facilè me-
mor DEI est, qui & in corde & in ore
MATREM Ejus MARIAM portat.
Facilè hanc quæstionem de DEO edisse-
rit; cum SENSUS Divinus sit, nihil
loqui potest, nisi DEUM. Hactenus
sub rosa Benedicti latuit THOMAS,
F sed

sed cùm ætatem ingeniô superavit, & Montis amplitudinem excessit, in lucem prodit. E Monte Cassini ad Neapolitanum transit Parnassum; in quo vix Divinum SENSVM Jovis Supremi Filia Pallas cognoscit, exultat, & plaudendo cum Musis Deabus occurrit. Altiùs Castalij erumpunt fontes, ac murmure grato hanc sibi felicitatem gratulantur, quòd in effusa Parnassi umbra, novum experiantur Phæbum; Quem elevati Campaniæ colles, & lauri virentes inflexis verticibus adorant. Descendit ab alto domesticus Apollo, & jure debito locum THOMÆ cedit, Iovem futurum præfagiens, ex cujus cerebro verior Minerva proditura est. Bonum est omen, certumq; augurium: non modò Pallas, sed novus forsan Helicon produceretur. THOMAS Neapolitanam exhausit Hippocrenen, & vastitate ingenij totum complexus Parnassum, & jam non in Parnasso THOMAS, sed in THOMA Parnassus est. Cogitandum Tibi THOMA quid fecisti: quem nec edax rerum tempus movit, tu Neapolitanū
tol-

tollis Parnassum, cùm totum capis. Non
time Neapolis, hōc damnō lucraris : Ca-
stalos fontes suis fecundabit aquis. Tuū
Phæbum Sole illustrabit, sacratiores Mu-
sas beatioremq; reddet Minervam; sed
quando, ubi, & quomodò vis scire?
sequere THOMAM. Abit fausto pe-
de à fascibus ad facem DOMINICI:
imò non leni Favonio, sed Spiritu ve-
hementi raptus, volat ab hereditaria Do-
minij forte ad paupertatem; ab Atavis
Siciliæ & Aragoniæ Regibus ad obedi-
entiam; & se ab alto Natalium splendo-
re, in religiosas demittit umbras. Quid
est THOMA? Mundum fugis? qui
Tibi favet: an dulcis Mundi voluptas
est amara? Ita est: misera Orbis solatia,
periculosus fortunæ favor; in Coronis
timet aculeos, in Purpuris veretur tine-
as, in hiatu Infularum expavescit vora-
ginem, in Crucibus Præfulum formidat
passionem. Avertit à Mundo fallaci ocu-
los; illustris ei virtute & sapientiâ Præ-
dicatorum Religio arridet, & placet. Vo-
calem sui Nominis famam, jam Religi-
oso committit silentio; jam magnitu-
dinem

dinem Domûs Strictâ observantiâ coar-
ctat. Non ignoravit adamantem in um-
bris pulchrius lucere, & Solem in occasu
majorem esse. Candidâ veste indutus,
verecundiâ morum adornatus, crescit
THOMAS & apparet magnificentior,
quem humilitas Religiosa in altius sub-
limat. Regnum sibi DEO serviens pa-
rat; cûm ita, ut regula sonat, ut ratio
Majorum præest, compositus in mode-
stiam SENSVS THOMAS obtem-
perat. Videt Mundus & invidet felicẽ
THOMÆ successum; ideo fraudes
ac dolos movet: Dux insidiarum, quæ
Novercam induit, Mater est. Intellexit
THOMAS SENSVS, invidiosam
artem, quam evitare volens, Lutetiam
sub alio Sole jacentem petit. Felicem
sibi pollicetur tractum, cui Astrum DO-
MINICI securum monstrat iter, vigil-
canis prodromus, innocentia comes est;
sed contrarium experitur. Vix è cella
sub nudum egreditur Cælum, & jam in
subortam odiorum incidit tempestatem;
ex qua duo fulmina gemini Fratres e-
rumpunt, & suo impetu SENSVM
THO-

THOMAM confundunt. Fortius in-
stant non amantes fratres, sed amentes
belluæ deterrent Viatorem, arcent Cæ-
lestem scelesti, niveo denudant amictu,
ponderosis ligant catenis, acutis pro-
sternunt verberibus, & in saxum versi
premunt, nec gravem Fratris gemitum,
nec ardentem sentiunt dolorem. Frustra
prædones furitis: denudatis THOMAM?
celerius ibit; prosternitis? à lapsu for-
tior surget; si ceciderit, non in terram,
sed in Cælum. Verberatis? non concu-
tietis fortitudinem: premitis? non depri-
metis animi celsitudinem: alligatis vincu-
lis? non solvetis votum. Fratres allo-
quor, sed irritò conatu; præ furore in-
scopulos versi, non audiunt, scelus con-
tinuant, captum THOMAM carceri
includunt. Errasti Theodora, devias-
tis Fratres; ligatus THOMAS, vestrum
suspendit animum. Corpus in carcere
tenetis, quod ipse THOMAS, & ter-
renas opes abiecit, ut se de toto SEN-
SVM VERBI probaret. Damnatis ad
biennales speluncae noctes, erit extra te-
nebras, qui secum & Solem, & Mundi Lu-

G

cem

cem habet. In castro Joannis non furorem, sed gratiam percipit S E N S V S T H O M A S; cui Angeli fame presso, Panem de Navi Institoris subministrant. Et certè, si Angeli penes THOMAM locum sibi fixerunt; THOMAS non in antro, sed in Cælo est. Ridet hic THOMAS inter lacrymas, exultat inter molestias, triumphat inter vincula; sed hæc palliata miseria est. Frater non caret sororibus, quæ mulcent, ut pun-
gant; quæ flent, ut decipiant; quæ do-
lent, ut dolos parent; & velut blandæ Sirenes cum dulci cantu aures subin-
trant, ut cor captivent, vitam eripiant. Nihil est dolosas pati Sorores, MATER Acheronta movet, fortiùs luctandum. Infernalis Sophista sub Virginis specie introducitur, ut S E N S V S T H O M A S, qui nec carne lubrica, nec mente vaga movetur, in circulum vitiosum induca-
tur. Cognovit THOMAS artis Sty-
giæ argumentum, & quod sit ex loco fallaciarum desumptum, peccansq; in materia & in forma, accenso scipione de-
monstrat, verberando resolvit, & ex igne
libi-

libidinis lacrymarum undas educit. Sic fallacia soluta duro carcere Victorem emittit, quem prius Cælestes Intelligentiæ baltheo Castitatis ornârunt, & flore Innocentiæ coronârunt. Tantô potitus triumpho, redit in Patriam DOMINICANÆ Religionis; sed unam lauream exile ornamentum videns, pro altera certaturus, mox Agrippinam tendit. Assurgite liligeri Parisiorum Flores, vestra latius explicate folia, novam in illis Scientiam SENSVS THOMAS notabit. Flores excito; sed non minori Discipulo Magnus assurgit Albertus, in quo habet Orbis & natura, quod miretur. THOMAS demissè Magistrum petit, Qui supra Magistrum erit; cum Magistri Caput sine cerebro corrigit, & plantis substernit; ut se demonstret longè altiozem Magistrô. Improbatur quidem à suis Condiscipulis, sed cum laude sua; dum modestiâ Harpocratem agens; bovis nomen audit. Si cæcum agentes Tiresiam bovem vident; illum, cui svave CHRISTI jugum erit; illum, qui ad præsepe sui AGNI stabit, &

Eundem cornutô defendet argumentô;
illum, qui meliùs Literariam excolet a-
renam. Bovem dicitis in Schola Con-
discipuli? si vocalem asseretis SENSVM,
benè conclusistis. Nunquam hic tacet
SENSVS, ipso est vocalis silentiô, de
Quo Magni Alberti hoc est arbitrum :
Tu mihi non respondentis, Sed Doctoris locum obtinere videris.
Vix hæc sunt de THOMA præfagia,
jam in Cathedra Doctor abstrusa elu-
cidat, obscura illuminat, quem Athenæ,
Tarentum, Peripatus, Corinthus miratur,
imitari vellet, si posset. Obmutescit
Aristoteles, si THOMAS tacet; faci-
lè desipit, quem suis cogitationibûs non
adimplet; obscure in umbrosis loquitur
Academis, cui suam non infundit lu-
cem; cadit in Stoa, & dissolvitur, quem
torque suô pectus Angelicum ligante
non firmat. Serpunt infra THOMAM
sublimes genij; cursum in suis arenis
exercere non possunt, quos THOMAS
non ducit; nesciunt eruditi Scholas do-
cere, qui SENSVS Divino THOMA
carent. Omnes autem sapimus, docen-
te THOMA: in subtili ejus conceptu
immen-

immesitatem DEI spectamus; ex instru-
ctis Ejus articulis melius Corpus Chri-
sti cognoscimus; in doctis Ejus Capiti-
bus, Sapientiam Æternam scimus. O
capacitatem mentis! quâ THOMAS
Infinitum DEVM, & cum Eo omnes Ec-
clesiæ Doctores comprehendit. In sva-
vitate verborum, habet THOMAS
dulcedinem Ambrosij; in summa The-
ologica, claudit magnitudinem GEOR-
GII; in filis argumentorum, tenet so-
liditatem Hieronymi; in aureo stylo,
pretium & acumen Augustini servat. Sub-
tilitate ingenij Cælum & terram occu-
pavit THOMAS; quem non tantum
universa Mundi Lycæa colunt, sed Prin-
ceps Apostolorum PETRVS, & Doctor
Gentium PAULUS de Cælo descendit,
ac Ei assistit. Certat uterq; pro gloria
THOMÆ; laborat PETRVS; dum in
Claustro AQVINATIS, arcana Scienti-
arum clavibûs suis aperit: sudat PAV-
LVS, cum nodos gladiô scindit. Quot-
quot obijcit nunc difficultates Hæresis,
SENSVS THOMAS faciliat; quotquot
proponit quæstiones, unô VERBO, quia

H

Æter-


Æternò solvit, & solvendo firmat Eccle-
siam. Bucerumq; ita stringit; ut immani
exclamet rictu. *Tolle THOMAM, & dissipabo Ec-
clesiam.* Quid ad hæc THOMAS? ad Re-
giam mensam respondet: *conclusum est contra
Manichæos.* Hæc Interni monstra nervolum
SENSVM THOMAM senserunt, &
graviter more Gigantum ingemuerunt;
quòd unus omnium nomen confudit, ac
suïs literis oblitteravit. Per Tractatus
THOMÆ, stetit pax militanti Ecclesiæ;
per docta Ejus Compendia, ampliata Fi-
des, sublata est secta, quâ Orbis totus in
variâs opiniones secabatur. Huc adeste
Theologi! ad Mentem THOMÆ sape-
re oportet; Quem VERBUM in Cathe-
dra Crucis vobis commendat, & suum
esse confirmat SENSVM. *bene scripsisti de Me*
THOMA. O felix bene! o tantum be-
ne! ex ore Summi Boni non audiretur, esset
in terra censor, ni THOMAS SEN-
SVS VERBI Æterni probaretur. Venit
tandem necessitas, quæ ad Lugdunense
Concilium traxit THOMAM; ut dubia,
quæ mens non potuit humana, Divinus
SENSVS enodaret. Abijt veloci passu,
sed


sed in Fossa nova forsan erravit; cū le-
taliter cecidit in ejus altum. Felix error,
qui ab umbris fatalibus ad Lucem Æter-
nam duxit; gloriosa clades, quæ à terra
in Cælum sublimavit. Reddiderunt fata,
quod debuerunt: SENSUS VERBI Æ-
terni THOMAS erat, VERBO relatus.

Ego jam reverenter taceo, cū Sancti-
or testatur vita, & VERBUM Æternum
loquitur SENSVM esse THOMAM, ad
cujus laudes ultra quidem cum humili
stylo serpere vellem, sed timeo; ne agens
vigilias DOMINICI canis, contra me
indignum Oratorem excitetur. Ad Te re-
deo Sacratissime Prædicatorum Ordo, ad
quem me candor Academicus & virtus
Thomistica trahit. Sub rosa Te relin-
quere nescio, qui Tua magnitudine totū
excedis Orbē: nec Tacitus à Te recedere
possum, dum imbelli Oratori elevata
DOMINICI manus laudis argumentū
porrigunt. Vis sub alto manere silentio?
sed Tua vocalis fama, ora, & prodigia lo-
quuntur. In Sanctis umbris latere nequis;
quem Astrū Patriarchæ, & Phæbus THO-
MÆ supra alios eminere facit. Dant tibi

elogium Cathedræ, sanguis Martyrum
Nomen Fastis perennibus inscribit; can-
dor in niveo habitu, Cæli Te Candida-
tum monstrat. Felix est & satis dives
Tua paupertas, quam Pontificum Tri-
regia, Cardinalium Purpuræ, Archipræ-
sulum Tiaræ, Præsulum Infulæ, Docto-
ralesq; Mitræ adornant. Altam in Te
humilitatem quis non stupet? dum subes-
arcano Superû arbitrio, imperare vide-
ris; à cujus SENSU THOMA sparsæ Orbe
toto gentes dependent. Firmasti Orbē
Tuâ scientiâ Divinissime THOMA; sed
motu suo inconstans sæpe in cogitatio-
nes dividitur, ne dissipetur, divilum com-
ponere nunquam finas. Gravata meri-
tīs ac leniō Matrem Universitatem Cra-
coviensem semper protege, defende,
adjuva; Tuus Illi sine occasu luceat
Phæbus, ut Te felicius longo sæculo-
rum tractu, SENSVM VERBI
Æterni sequatur, Quem ego

D I X I.







Biblioteka Jagiellońska

stdr0013032



91
410